

Mešanović Miralem, doktor medicine - Magistarski rad

Fakultet/Akademija	MEDICINSKI FAKULTET
Tip Rada	Magistarski rad
Kandidat, zvanje	Mešanović Miralem, doktor medicine
Naziv Teme	Socijalno medicinske karakteristike alkoholizma na području Tuzlanskog kantona
Rezime/Abstract	<p>Cilj ovog istraživanja je da se na području Tuzlanskog kantona u periodu od 01.01.2011. do 31.12.2015. godine odredi distribucija sociomedicinskih karakteristika alkoholizma u odnosu na: dob; spol; stepen obrazovanja; bračno stanje; mjesto stanovanja; objekat stanovanja; struktura porodice; radni status; mesečna novčana primanja; somatske, neurološke i psihijatrijske bolesti osoba liječenih od alkoholoizma; hospitalizaciju, broj i dužinu hospitalizacije osoba liječenih od alkoholizma. U retrospektivnoj studiji korištena je dokumentacija Psihijatrijske klinike u Tuzli (istorije bolesti hospitaliziranih, ambulantni protokol nehospitaliziranih pacijenata) te podaci iz Protokola Domova zdravlja sa područja Tuzlanskog kantona. Istraživanje je provedeno na sistematskom uzorku od 1863 ispitanika sa problemom alkoholizma evidentiranim u zdravstvenom sistemu na području Tuzlanskog kantona u periodu od 2011-2015. Godine. Uzorak je obuhvatio ispitanike oba spola - 1808 ili 97,05% ispitanika muškog spola i 55 ili 2,95% ispitanika ženskog spola. Prikupljeni podaci su statistički obrađeni uz pomoć računarskog programa SPSS verzija 20.00. Za uspoređivanje vrijednosti kontinuiranih varijabli među grupama korišten je Studentov t-test, a Hi-kvadrat test za upoređivanje kategorijskih varijabli. Za analizu međuodnosa kategorijskih varijabli korišten je Spearman-ov test korelacije. Statistička značajnost razlika rezultata među grupama za sve testove je postavljena na nivo $p < 0,001$. Na osnovu dobijenih rezultata ovog istraživanja utvrđeno je da je na području Tuzlanskog kantona u analiziranom petogodišnjem periodu od 2011.-2015. godine prevalenca alkoholizma bila 0,42 na 100 stanovnika; omjer spolova je bio 1:33 u koris muškog spola. Prosječna starosna dob ispitanika je bila 54,4 godine; najveći broj muškaraca je pripadao dobnoj skupini 55-64,9 godina, a žena 65-70 godine. U odnosu na bračno stanje, najveći broj muškaraca je bio oženjen (71,1%), dok su najveći broj žena bile udovice (54,5%). Najveći broj ispitanika je bio sa završenim osnovnim obrazovanjem (66,5%). Problem alkoholizma je više bio izražen u ruralnim područjima (72,2%). Posjedovanje vlastite kuće, tj. Stambena zbrinutost je izražena u uzorku (78,2%). Najčešće zastupljenu strukturu porodice u uzorku čini ispitanik sa partnerom i vlastitom djecom (36,1%). Najveći broj ispitanika u uzorku u odnosu na radni status je nezaposlen (55,8%). Mjesečna novčana primanja najvećeg broja ispitanika u uzorku je bila manja od 300 konvertibilnih maraka (62,2%). Najčešći oblik tretmana alkoholizma je ambulantni (83,2%). Hospitalni tretman je proveden kod 16,8% ispitanika, prosječna dužina hospitalizacije iznosi 16,68 bolesničkih dana; prosječan broj hospitalizacija u odnosu na hospitalizovane ispitanike iznosi 1,69. Najveći broj hospitalizacija zbog alkoholizma je bio tokom mjeseca jula, novembra i decembra. U petogodišnjem periodu 2011-2015. Godina na području Tuzlanskog kantona zbog alkoholizma je realizovan 5251 bolesnički dan a ukupni troškovi liječenja iznose oko milion konvertibilnih maraka. Somatske bolesti u alkoholizmu su prisutne u 53,9% ispitanika, najčešće je zastupljen povišen krvni pritisak (32,2%), alkoholno oboljenje jetre (14,5%). Neurološke bolesti u alkoholizmu su prisutne u 74,2% ispitanika, najčešće je prisutan kognitivni poremećaj (26,2%), stanje poslije moždanog udara (15,5%), polineuropatija (12%). Psihijatrijske bolesti u alkoholizmu su prisutne u 86,9% ispitanika, najčešće je prisutan depresivni poremećaj (29,7%), poremećaj ličnosti (15,5%). Najveću povezanost socio-medicinskih faktora kod alkoholizma pokazuje spol, obrazovanje i hospitalizacija. Socio-medicinski faktori u analiziranom vremenskom periodu učestvuju sa 1,9% na pojavu i razvoj alkoholizma u opštoj populaciji na području Tuzlanskog kantona, pri čemu je u odnosu na sve socio-medicinske faktore uticaj objekta stanovanja i neuroloških oboljenja značajan.</p>
Datum	01.02.2019
Predsjednik	dr.sc. Mevludin Hasanović, vanredni profesor za nastavni predmet "Psihijatrija sa medicinskom psihologijom", Medicinski fakultet Univerziteta u Tuzli
Mentor	dr. sc. Izet Pajević, redovni profesor za nastavni predmet "Psihijatrija sa medicinskom psihologijom" Medicinski fakultet Univerziteta u Tuzli
Član komisije	dr. sc. Elvir Bećirović, docent za nastavni predmet "Psihijatrija sa medicinskom psihologijom" Medicinski fakultet Univerziteta u Tuzli
Član komisije	-
Član komisije	-
Zamjenski član	dr. sc. Nermina Kravić, docent za nastavni predmet "Psihijatrija i zdravstvena njega psihijatrijskih bolesnika", Medicinski fakultet Univerziteta u Tuzli
Dodatni detalji i lokacija	na Medicinskom fakultetu Univerziteta u Tuzli, 01.02.2019. godine u amfiteatru I Medicinskog fakulteta Univerziteta u Tuzli s početkom u 14,00 sati
Završne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.